

藤澤南著  
日本袖史  
中

福岡第一師範學校  
(學校圖書)

登錄 番	第	號
歷史科 門		
日本史 部		
總記	款	總記 項
廣	日	次
全	冊ノ内第	冊
分類 番	第	號

210.08  
24615

T1A1  
26  
F 66

日本袖史外編卷之二

讚州 藤澤 南嶽 著

後鳥羽天皇

丙文治二年宋孝宗淳熙十三年英王奴理第二卒

傳王盡心撫民設買阿爾衙門管理民事官由民選

大益于理云長子力查嗣

丁三年宋淳熙十四年西土人取耶傳土旣入耶乃

悉火耶蕪寺院歐洲諸邦大怒連盟謀伐土明年遂發兵是為十字第三役

巳五年宋淳熙十六年西洲千八百八十九年春宋主脊老傳廟号孝宗

金主雍殂傳諡仁孝帝

庚建久元年宋光宗紹熙元年西洲千八百九十年英人法人伐土傳三

役之起獨主弗勒特力挺軍先進得病歿于途將士

猶進圍阿苦連二年不拔於是英法援之城輒陷

壬三年宋紹熙三年西洲千八百九十二年土與英法平傳英法逼耶

而未克英邦內訌土寇蜂起故英王引兵先退於是乎和議成矣而英王途為壞土利人所捕在獄二年英人償之始得到國

癸四年宋紹熙四年西洲千八百九十三年土王薩刺珍卒傳英法之

來伐也其王嘗中暑熱王聞之使人聘且問其病人

服其量

甲五年宋紹熙五年西洲千八百九十四年秋宋主淳老傳廟号光宗

乙六年宋寧宗慶元元年西洲千八百九十五年獨主伐土傳獨主顯利

第六窳圖取土而惡無名乃又驅教徒以十字爲名是爲第四役

丁巳八年宋慶元三年西洲獨主顯利第六殂傳主既

克悉西利土耳其地名將直侵都城會疾殂

土御門天皇

未巳正治元年宋慶元五年西洲英王力查卒于軍傳

或云第約翰弑之也初約翰謀奪國不克被逐王怒

法人助約翰故伐之傷而死王喜武善劍及即位張

武立威人大稱之而竟死于兵

辛建仁元年宋寧宗嘉泰元年西洲乃蠻取西遼傳遼主

直古魯出獵乃蠻王襲執之遼絕不祀

壬戌二年宋嘉泰二年西洲法人伐土取剛士但丁傳是

爲十字第五役法人以舟師直衝剛士但丁土人棄

城走乃與羅之教公謀以與巴士字院者立爲東帝

丙寅建永元年宋寧宗開禧二年西洲蒙古奇握温鍊木真

稱帝傳蒙古部在金國之北屬亞細亞洲至鍊木真

大興

戊辰 美元二年、宋寧宗嘉定元年、西洲千二百八年、金主璟殂、**傳**、諡英孝帝、

順德天皇

癸酉 建保元年、宋嘉定六年、西洲千二百十三年、金人弑其主永濟、**傳**、降封衛玉、諡紹、

乙亥 三年、宋嘉定八年、西洲千二百十五年、金遷都于汴、**傳**、避鍊木真也、

丙子 四年、宋嘉定九年、西洲千二百十六年、英王約翰卒、**傳**、在位暴虐、

國人叱罵至今云、其與法王戰、與羅教公校、與巴倫士鬪、此其最失人心者也、

巳卯 兼久元年、宋嘉定十二年、西洲千二百十九年、獨主入耶、**傳**、獨主弗、

勒特力第二為羅教公所喉、起兵入耶、兼稱耶王、是為十字第六役、

辛巳 三年、宋嘉定十四年、西洲千二百二十一年、蒙古滅回回、屬亞細亞洲、即今清國回部之地、

後堀河天皇

癸未貞應二年、宋嘉定十六年、西洲千二百廿三年、**金主珣**、**傳**、**謚**、**聖**、**孝**

帝、

甲申元仁元年、宋嘉定十七年、西洲千二百廿四年、**秋**、**宋**、**主**、**擴**、**殂**、**傳**、**廟**、**号**

寧宗、

乙酉嘉祿元年、宋理宗寶慶元年、西洲千二百二十五年、**法**、**取**、**羅**、**舌**、**傳**、**羅**、**舌**

英地之在法者、法收為其有、

丁亥安貞元年、宋寶慶三年、西洲千二百二十七年、**蒙**、**古**、**滅**、**夏**、**蒙**、**古**、**主**

**鍍**、**木**、**真**、**殂**、**傳**、**廟**、**号**、**太**、**祖**、

四條天皇

甲午文曆元年、宋理宗端平元年、西洲千二百三十四年、**金**、**亾**、

辛丑仁治二年、宋理宗淳祐元年、西洲千二百四十一年、**蒙**、**古**、**窩**、**闊**、**台**、**殂**、**傳**

廟号太宗、

後嵯峨天皇

癸卯寬元元年、宋淳祐三年、西洲千二百四十三年、

後深草天皇

戊寶治二年宋淳祐八年西洲千二百四十八年蒙古貴由殂傳廟号

定宗

庚建長二年宋淳祐十年西洲千二百五十年法王伐土傳王復取

耶故伐之是為十字第七役土設伏迎戰法師敗王

被獲納土與金自贖而歸

甲六年宋理宗寶祐二年西洲千二百五十四年獨主根拉德殂傳群雄

鬻逐爭亂四起邦不置主二十年稱為大空位

己正元元年宋理宗開慶元年西洲千二百五十九年蒙古主蒙哥殂傳

廟号憲宗

龜山天皇

甲文永元年宋理宗景定五年西洲千二百六十四年英人幽其主傳英

人將置議院乃擇二十四名任以議職王權漸衰西

門者尤擅恣與王抗諍謂王不任職廢而幽之冬

宋主昀殂傳廟号理宗國史畧系明年非

乙丑二年宋度宗感淳元年西洲千二百六十五年英王子討及人斬之傳

西門既廢王事必取決于已而以其發于卑賤人多

惡之王子義德瓦起義兵討之從者如雲捕西門戮之支解以狗王得反正

庚七年宋感淳六年西洲法王路易卒

壬九年宋感淳八年西洲英王顛理第三卒傳反正

未幾國人復反再幽王及義德瓦開院置議員政事

一歸于院曰上不得虐下下不壅于上民由得自主也

癸十年宋感淳九年西洲獨主羅德福立傳羅德福

為隣邦貴族獨人迎以為主於是亂擾小息

甲十一年宋感淳十年西洲秋宋主禮殂傳廟号度

宗

後字多天皇

丙建治二年宋恭宗德祐二年西洲元八宋以宋主黑

歸傳元即蒙古也

戊弘安元年宋端宗景炎三年西洲夏宋主昀傳廟

号瑞宗



巳卯二年宋帝昺祥興二年西洲千二百七十九年春元滅宋

壬午五年元世祖至元十九年西洲千二百八十二年英取威爾士傳威爾

士英之北土也叛服無常有久非者納款又悔而叛

王乃親討之久非竄逃威爾士於是乎定矣

乙酉九年元至元二十二年西洲千二百八十六年羅撰地誌傳是為歐弗

地誌之始

伏見天皇

辛卯正應四年元至元二十八年西洲千二百九十一年土取阿苦連

甲午永仁二年元至元三十一年西洲千二百九十四年春元主忽必烈殂

傳廟号世祖

丙申四年元成宗元貞二年西洲千二百九十六年蘇逐英人傳以成自主

之權也

後伏見天皇

庚子正安二年元成宗大德四年西洲千三百零一年俄奠都于莫斯科傳

俄羅斯在土耳其東北屬歐羅巴古稱薩爾馬西亞洲今存矣

役屬于匈奴吾貞觀中有祿利哥者招換造國後有

十二子分立遂互攻擊日以衰亂元鑄木直伐滅阿  
羅思阿速欽察三部於是為蒙古別部尋乘元威  
稍弛漸復其土宇云、

後二條天皇

壬寅乾元元年元大德六年西洲千三百二年威尼斯人制羅經傳威  
人弗拉斐日疴約者始制之、

丁未德洽二年元大德十一年西洲千三百七年春元主鑄木耳殂傳  
廟号成宗 英王義德瓦卒傳王頻年征戰民力罄

矣然政法雄偉頗有可觀焉 瑞士建國傳瑞士在  
獨之南伊之北東西約五六百里南北約三四百里  
山疊峰聳冰雪常積然水清山奇風色幽雅人民良  
淳稱為樂土始屬羅馬次屬法後為獨國所轄制是  
時獨主苛斂酷刑以失人心瑞士乃逐守吏割據稱  
制獨人不能制御遂別為一國初分為三部又分為  
十三部各擇官理事共和之俗成矣

花園天皇

辛應長元年、元武宗至大四年、西洲千三百一十一年、春、元主海山殂、**傳**

**廟号武宗、**

甲寅正和三年、元仁宗延祐元年、西洲千三百一十四年、西、蕪人敗英、**傳**、蕪王

普魯斯以兵三萬奮鬪、敗英十萬眾、世稱板諸克本

之捷、法王非立第四卒、**傳**、王之在位、抑制教公、使

之奉國憲大得体制云、

後醍醐天皇

庚申元應二年、元延祐七年、西洲千三百二十年、春、元主愛育黎拔力

**八達殂、傳、廟号仁宗、**

癸亥元亨三年、元英宗至治三年、西洲千三百二十三年、秋、元鏐失弒其主

碩德八剌、及其相拜住、**傳、廟号英宗、**

丁卯嘉曆二年、元泰定四年、西洲千三百二十七年、英人廢其主義德瓦

第二、**傳**、王娶法王女、女性淫、頗有醜行、而王不能問、

嬉戲益甚、政理大弛、民皆怨、故致此變、

戊辰三年、元明宗政和元年、西洲千三百二十八年、秋、元主也孫鏐木兒殂、

**傳**、不立廟奉諡、止稱泰定帝、法王查爾斯第四卒、

傳無子，非立第六以從第入嗣。

己元德元年元致和二年西洲一千三百二十九年秋，元圖帖睦爾弑其

主和世疎，傳廟号明宗。

壬元弘二年元文宗至順三年西洲一千三百三十二年秋，元主圖帖睦爾

殂，傳廟号文宗，從子懿璘質班嗣，尋殂，号寧宗。英

侵蕪，傳蕪王普魯斯平，子大非第二尚幼，蕪人巴略

者謀篡立，英王助之，擊走大非立巴略而去。

戊寅延元三年元順帝至元四年西洲一千三百三十八年，英人伐法，傳非立

之立也，英王不悅，盖以其為法出欲住王于法也。及得志于蘇，自謂兵鋒銳利，莫能撓之，遂自稱法王，南事于法，攻擊數年，勝敗不常云。

### 後村上天皇

辛巳興國三年元順帝至正元年西洲一千三百四十一年，羅人廢其主，傳約翰第五弱矣，大臣于達哥西諾廢而自立。

丙正平元年元至正六年西洲一千三百四十六年，法與英戰于格利西

法師敗績，傳英王伐法數年而未得志，乃大舉深入

直薄巴黎斯、法王以勁兵、逃出其後、要之于歸路、英人果班軍、逢于格利西、是日雷雨大至、衆寡不可窺也、乃奮擊法人、日加申、天忽霽、而法人方敗、列侯大臣多死于亂、戰下、王之出、其兵十萬、其八也、從者僅五人、於是據城乞和、英王亦聞、燕人窺其虛、和而歸、

乙未十年、元至正十五年、西洲英伐法、傳暫和數年、又有違言、英黑王子伐法、大掠而去、蓋先是三年、非立

卒、嗣子約翰、暗弱、故及之、

丙中十一年、元至正十六年、西洲英入法、傳黑王子復

大敗法兵于波爾多、獲法王及太子、然恐俘獲釀亂、

索賄而釋之、特以約翰歸、下之于獄、

辛丑十六年、元至正二十一年、西洲土莫都于亞得利安、

傳土威不競久矣、疆域稍蹙、阿多曼者出、而國勢漸

盛、是歲始奠其都、

丁未二十二年、元至正二十七年、西洲元亡、

戊二十三年、明太祖洪武元年、西洲千三百六十八年、明朱元璋稱帝、

長慶天皇

庚建德元年、明洪武三年、西洲千三百七十年、

後龜山天皇

甲文中三年、明洪武七年、西洲千三百七十四年、俄與韃戰、傳俄王中

流矢以死、韃韃在俄之東、屬亞細亞洲、今清國之地、蒙古之別種

也、自是漸盛、

丁天授三年、明洪武十年、西洲千三百七十七年、英王義德瓦第三卒、

傳王英偉雄傑性長武事、征蕞服法、威蓋一世、子黑

王子亦勇壯、而先王歿人皆惜之、長孫力查第二嗣

辛弘和元年、明洪武十四年、西洲千三百八十一年、英人作亂、傳力查

之立、年僅十一、法蘊乃首背約來侵、內民乘之起兵、

教士包爾為之謀主、以逼都城、王問叛人之所請、悉

可之、叛人乃退、而稍以策戮唱首者、事始定矣、

後小松天皇

戊應永五年、明洪武三十一年、西洲千三百九十八年、夏明主元璋殂、傳

諡高帝

巳六年明建文元年西洲英顯理第四篡立幽其主

力查傳力查漸擅恣改革舊典民心疑貳且其所委

政柄維爾薄爾德錫連等皆非其人故顯理逼而篡

之

庚七年明建文二年西洲莫取印度傳莫卧爾蒙古之

別種也初元主鏗木真取回回旁征印度諸部後以

宗室分王西土莫亦其一也至是莫王帖木兒者威

服四鄰疆土日斥莫印度共屬亞細亞洲

壬九年明建文四年西洲夏明燕王棣篡立逐其主

允炆傳諡惠帝土人與莫戰于諳俄利傳土兵敗

績王為所擒土人立索利曼為主

甲十一年明永樂二年西洲莫王帖木兒卒

稱光天皇

巳應永二十年明永樂十一年西洲英王顯理第四卒

傳王自知逆取難以服人故前王弊政竭力革除然

後漸懈惰權之歸于巴力門如故

乙未二十二年明永樂十三年西洲千四百十五年英人與法戰于亞人

可法師敗績傳英前王之歿遺言曰使國家恬於無

事非吾志也故英人復用兵于法法方麻亂權奸相

嫉於是不能軍也

庚子二十七年明永樂十八年西洲千四百二十年葡塞亞島傳亞索利

亞大西洋諸島也航海之術葡為諸邦之嚆矢故南

海諸島多為其所據英人入法傳英再伐法欲一

役了事直突巴黎斯法王降納女為妃約英王子孫

世有法國王乃置留後而班師

壬寅二十九年明永樂二十年西洲千四百二十二年英王顯理第五卒

傳法有謀復國者英王復伐平之會法王病且入巴

黎斯代之亦得疾卒慕維廉氏曰自古戰陳之事咸恃膽力至王乃以巧詐取勝風

斯下矣法王查爾斯第六卒傳於是英王顯理第六

將入代法有處女若安者嘯收餘兵奮擊英軍終復

邦土



甲三十一、明永樂二十二年、西洲、千四百二十四年、西人拓加那黎耶

島傳、屬亞弗利加、洲、又呼福島、諸貨殖焉、西人之

富實基于此、冬、明主棣殂、傳謚文帝、

乙三十二、明洪熙元年、西洲、千四百二十五年、夏、明主高熾殂、傳謚

昭帝、

後花園天皇

乙卯、永享七年、明宣德十年、西洲、千四百三十五年、春、明主瞻基殂、傳謚

章帝、

甲子、文安元年、明正統九年、西洲、千四百四十九年、土人敗匈、傳匈牙利

在土之北、屬歐羅巴洲、今奧地利亞、於吾長德年間立國、稱雄一

時、而北困于波蘭、南苦于土耳其、漸昌頹衰、

己巳、寶德元年、明正統十四年、西洲、千四百四十九年、瓦刺入明、以明主

祁鎮歸、國史略系、明年非

酉癸、亨德二年、明景泰四年、西洲、千四百五十二年、羅以、傳土人取之也、

土兵入東都、羅主不抗、出犇八木馬祿亞、

己亥、康正元年、明景泰六年、西洲、千四百五十五年、英人幽其主顯理第

六傳英有狠弗立者天資又淑才德並着王以事殺

之又受制于悍后是以民心離矣欲推力查為主

義德瓦第三之後會王有疾巴力門乃使力查攝政王瘳而

權猶在力查於是各樹黨與互擬擠排遂致用兵劫

擊王師敗而王被幽廢

丁丑長祿元年明天順元年西洲春明人廢其主祁鈺

傳先是虜送祁鎮于明故迎而立之

申辰寬正元年明天順四年西洲英亂傳自顯理第六

幽廢後后抱其子以戰者數年北人實輔之遂獲力

查支解之力查子義德五第四舉兵入倫敦廢王自

立后出奔燕

甲申五年明天順八年西洲春明主祁鎮殂傳謚睿帝

後土御門天皇

庚寅文明二年明成化六年西洲俄取諾波羅得英

人統其故主顯理第六

己亥十一年明成化十五年西洲西建國傳西班牙起

什集散國體未一、是歲諸部始合為一、是為西班牙再造之始、女王名依撒伯爾聰敏不凡、衆咸畏而服之、

癸十五年、明成化十九年、西洲千四百八十三年、英王義德瓦第四卒、

傅子幼叔父幽之而立、拒諫、譴戮忠良、立三年而為

顯理第七所殺

丁未長亨元年、明成化二十三年、西洲千四百八十七年、秋、明主見深殂、傳

謚純帝

甲寅明應三年、明弘治七年、西洲千四百九十四年、西人閣龍如美、傳吾

延元之際、歐有哥白尼者、好談天、精推步、居常自謂

地形必應如球也、然未得其徵、嘗觀月食、拍掌曰、暗

處則是地影、爾閣龍伊邦熱弩亞漁家之子、志氣俊

邁、不屑生產、聞哥白尼之說而服之、竊有周觀地球

之志、然貧無行資、告人則皆誕之、聞西班牙女王有

識、乃自投以請、固請而後聽之、給以大船一小船二

暨資糧、閣龍大喜、帆而行、二旬餘、無所見、舟人皆愠

日大由來 卷二

閣龍且慰且諭直進不停既而見人烟舟中人皆愕

然達斧驅逐土蕃徒國人據之養之洲始與歐通亞

利加有南北二洲閣龍所到蓋其南洲也已

乙卯四年明弘治八年西洲葡人取孟買傳孟買在印

度西界在亞細亞洲地產棉花胡椒椰子珊瑚葡得之開

港置埔

己未八年明弘治十二年西洲葡人入伯傳伯西兒在

南美洲北接可倫比亞西接秘魯南接玻利非亞葡

來見其地荒闊稍移刑餘充之獨侵瑞士傳瑞舊

屬獨近歲不復修貢於是伐之瑞之聯邦協謀禦戰

六合六勝獨終不得志矣

庚申九年明弘治十三年西洲獨分國為六部傳獨主馬西

密憐憂其國勢漸微革制圖治民心稍安

後柏原天皇

辛酉文龜元年明弘治十四年西洲西人拓北美傳自後

西法二國共拓北地命其地曰新西班牙曰新法郎

西、

乙丑永正二年、明弘治十八年、西洲千五百有五年、夏明主祐檯殂、**傳謚**

敬帝、

庚午七年、明正德五年、西洲千五百有十年、英王顯理第七卒、**傳王之**

在位、叛者四起、王以策誅之、遂成富強之基、而人或

議其貪暴云、

壬申九年、明正德七年、西洲千五百十二年、法敗威尼斯于拉威那

子、明正德十一年、西洲千五百十六年、西王非立卒、

乙卯十六年、明正德十四年、西洲千五百十九年、西人閣龍死、**傳客嘗謂**

龍曰、卿新得一邦、真僥倖而已、何足重稱、答曰、然哉、

不知子能豎卵于案上乎、否、客曰、不能、龍乃取卵、刀

剔其尖、豎之于案、客曰、如此則易易耳、余何不能焉、

龍曰、成事皆如此、在注意何如耳、其剛毅可以見也、

死年六十一、後四年、墨雅蘭者、始一周地球、人益服

其見矣、

辛巳大永元年、明正德十六年、西洲千五百二十一年、春明主厚照殂、**傳**

諡教帝

癸三年、明嘉靖二年、西洲、瑞人瓦撒稱王、**傳**、瑞隸、

者久矣、瓦撒圖恢復、遂立為王、威惠兼施、國民安服、

甲四年、明嘉靖三年、西洲、噠人逐其主基斯丁、**傳**、王

不德、政令不行、內外叛証、民遂逐之、

酉五年、明嘉靖四年、西洲、獨主與法王戰于巴比亞、

獲法王以歸、**傳**、明年、乞和而歸、獨取伯閱、**傳**、伯閱

獨之北隣也、即今嶼之、獨得之境、土益廣、獨主名查

理第五賢有譽望、及此捷、声威大著、

後奈良天皇

丁大永七年、明嘉靖六年、西洲、獨人侵土、

卯亨祿四年、明嘉靖十年、西洲、獨禁新教、**傳**、新教徒

盛禁而益熾、且激兵變、乃弛其禁、

酉天文六年、明嘉靖十六年、西洲、西取馬與類加諸

島、

戊七年、明嘉靖十七年、西洲、獨主與法王會于拿斯、

傳議和也。

甲辰十三年明嘉靖二十三年西洲千五百四十四年法與獨戰于西利索

鞞傳獨師敗乃又會于克列皮以和瑞伐噠

丁未十六年明嘉靖二十六年西洲千五百四十七年英王顯理第八卒傳

羅教行于民久矣而護法者縱恣行與其教乖王盡

革之奪教公之權嘗有不奉遵巴力門之言者王乃

曰法官與余一体人安得蔑之乎其志于治可謂至

也然取西王女養其侍女而寵之妃憂懼成病而侍

女亦奇失寵以死凡後宮妃嬪寵池而廢者三手刃

刺之者三故人多議之法王法蘭西斯第一卒傳

子顯理第二嗣選舉其父所懸望馬倫西為相人皆

異之

癸亥二十二年明嘉靖三十二年西洲千五百五十二年英王義德瓦第六

卒傳王善政治所建置皆範于世蓋小校以教字學

貧院以育窮民病院以療沈痾其裨益非淺渺云王

好馬利嗣時有然格來者讀教書善事父諸大臣互

威之徒推奉爲君馬利聞人心不服然格來乃招集  
兵士逐然格來代之

癸丑二十二年明嘉靖三十二年西曆一千五百五十三年英人謀反不克傳

馬利欲納獨主子非立爲夫非立少於馬利九歲故  
衆議不可諫章堆案不聽衆乃謀逐馬利事覺誅死  
者四百人

甲寅二十三年明嘉靖三十三年西曆一千五百五十四年西人侵蘭傳阿蘭

東與獨接南連比利時北西臨大洋地勢低卑夷坦

無山海潮所射劃爲洲渚然水利至便土地肥沃且  
長於舟楫海市之利總歸于此土古時諸酋分立或  
歸法轄或奉獨命至是西人又略斯蘭德亞漸侵全  
邦遂使其子非立第一兼王蘭地

丙辰弘治二年明嘉靖三十五年西曆一千五百五十六年獨主甲利遜位傳

教徒聚訟外寇雨集王厭苦之逃入山寺爲僧以終  
西蘭比及海外諸島與其子非立獨邦則與其弟伯

爾南



正親町天皇

戊永祿元年明嘉靖三十七年西洲千五百五十八年英女王馬利卒傳

非立來為夫數年而弃去猶時來往誘惑圖利興兵

伐法與戰而敗至失其地馬利慚憤成病以死

己二年明嘉靖三十八年西洲千五百五十九年法王顯理第二卒

甲七年明嘉靖四十三年西洲千五百六十四年土伐馬爾達敗績獨

主伯爾南祖

丙寅九年明嘉靖四十五年西洲千五百六十六年冬明主厚熹祖傳

帝

壬元龜元年明隆慶六年西洲千五百七十二年夏明主載厚祖傳

莊帝西人取呂宋傳呂宋在薩之西南洋中水程

凡七十二更南北凡二百餘里土坦田腴東據遼山

西人欺其王借地于浦頭猝以巨煩劫之奪以為其

有

甲天正二年明萬曆二年西洲千五百七十四年土取突尼斯

乙三年明萬曆三年西洲千五百七十五年土主色林第二祖

丙

巳七年、明方曆七年、西洲蘭與西戰、**傳**西政苛虐、蘭

人乃謀自立、有阿蘭治者、智勇拔群、遂逐西吏、為脫

嬰之計、

辰八年、明方曆八年、西洲西人取葡、**傳**葡王邊理卒、

西王非立以其伯父、舉兵八葡、以匡輔為名、遂并有

之、

### 後陽成天皇

丁天正十五年、明方曆十五年、西洲蘭人敗西師、

子十六年、明方曆十六年、西洲英人大敗西于亞馬

太、

巳十七年、明方曆十七年、西洲法人弑其主顯利第

三、

全文祿元年、明方曆二十年、西洲俄人弑其主涅明

流士、**傳**波利斯弑之也、

未四年、明方曆二十三年、西洲馬邏可建國、**傳**馬邏可

在阿爾及耳之西、屬亞弗利加洲、在北則地中海、西則

大西洋南則撒哈拉大漠中有大山曰亞德拉斯橫  
畫國中田是以狹小而腴膏宜穀果舊屬阿刺伯乘  
阿之漸微并吞四隣猛來亞斯者雄豪邁逸遂獨立  
爲國

戊慶長三年

明万曆二十六年西曆一千五百九十八年

蘭人取瓜哇傳瓜

哇在呂宋西南與蘇門答臘隔海爲門爲西船東來  
要路蘭人乃建府設市鎮以巨帥遂爲南洋第一都  
會三寶瓏竭力石士里莫皆其埔頭之大者也西

王非立第二卒傳非立第三嗣乃修和于法

癸卯八年

明万曆三十一年西曆一千六百零三年

英女王以利沙伯卒傳

迎蘓王若迷斯第六立之然威儀草野言語晦澁邦  
人失望土主亞慕辣第三殂傳自土之取羅國于  
紅海地中海之間者多獻幣納土阿亦降屬幅員之  
大殆比羅馬之舊而用兵也暴戾民也慘括財也苛  
篡弒亦相仍後宮常五六百人先生王子者輒立爲  
后回回教主擅恣無比蓋西洲之昏暴無政者亦莫

土之若云

乙十年、明万曆三十三年、西洲千六百有五年、俄天迷土利主討賊而

立傳、波利斯篡立數年、始伏誅、而天迷土利主亦尋

遇弒

己十四年、明万曆三十七年、西洲千六百有九年、法人弑其主顯利第

四

戊十五年、明万曆三十八年、西洲千六百有十年、瑞人俄世答稱王、傳

瓦撒卒也、世子荒淫、為邦人所囚、以死、世答既立、攻

擊四隣、且崇回教、援同伐異、威風大行、

後水尾天皇

壬慶長十七年、明万曆四十二年、西洲千六百有十二年、蘭取馬路古、傳亦

西南洋諸島也、

甲十九年、明万曆四十四年、西洲千六百有十四年、瑞人侵俄、

丙元和二年、明万曆四十四年、清天命元年、西洲千六百有十六年、韃靼愛新覺

羅奴兒哈赤稱帝、傳奴兒哈赤發基之地、舊名赫圖

阿拉、西去明都二百七十里、東距寧古塔千二百里、

已五年、明萬曆四十七年、清天命四年、西洲千六百十九年、獨禁新教、傳獨王

法地難多信羅教厚矣、而忌新教、罰禁甚嚴、竟盡驅放之于境外、

庚六年、明泰昌元年、清天命五年、西洲千六百二十年、秋、明主翊鈞、**傳**、**諡**

顯帝、子常洛立、閱月而殂、**諡**貞帝、

辛七年、明天啟元年、清天命六年、西洲千六百二十一年、**蘭**取臺灣、**傳**臺灣

在呂宋之北、東北距我邦、水程七十更、北有雞籠山、

與明之福州對峙、南有河沙磯、形似彎弓、物產富饒、

不復他需也、

癸九年、明天啟三年、清天命八年、西洲千六百二十三年、**蘭**闢伯西兒、**傳**所

關在北陬耳、

乙寬永二年、明天啟五年、清天命十年、西洲千六百二十五年、英王若迷斯

卒、**傳**王性不淑、故多倣政、子查爾斯嗣、亦不能更、凡

英王即位、例必服紫、查爾斯衣白、將行禮、大臣咸諫

曰、力查第二顯理第六用白、不克終、宜鑑也、不聽、國

人乃稱爲白王、噠王伐獨、**傳**新教徒逃在獨境外

者推噠王為盟主噠王為伐獨

丙三年明天啟六年清天命十一年秋韃主奴兒哈赤

寅三年明天啟六年清天命十一年秋韃主奴兒哈赤

殂傳為太祖高皇帝奴兒哈赤每征討必與諸貝勒

適野而謀畫地而議令簡傳者速兵故事無失舉遂

叙大業  
丁卯四年明天啟七年清天聰元年秋明主由拔殂傳

盜愆帝獨人伐噠傳獨將瓦連斯大員率兵十方

入噠噠王不能抗逃入海

己巳六年明崇禎二年清天聰三年普敗獨于波羅的

傳普魯士獨之別部也屬歐羅巴洲今為大國時稍為自立之

計會噠國大敗城之未降僅一二耳普乃救之獨大

敗兵士死者一萬二千精兵殲矣於是乞和而退歸

其侵地

### 明正天皇

壬申寬永九年明崇禎五年清天聰六年瑞人與獨戰

于理越斯傳瑞王崇西教故助之伐獨中銃歿其將

奮戰獨兵終敗、

甲十一年、明崇禎七年、清天聰八年、獨殺其將瓦連

斯太員、傳用讒也、

乙十二年、明崇禎八年、清天聰九年、法人與西戰、傳

法使行人請戰期、西即應之、蓋歐洲交兵、例先告絕

請戰期、不屑襲擊也、自此役後、無復用此例者云、

丙十三年、明崇禎九年、清崇德元年、韃靼改國号稱

清、

丁十四年、明崇禎十年、清崇德二年、英人作乱、傳蘓

壹丁不之人唱乱、殆靡全邦、盖欲排棄新教、且得自

主也、王聽其請、

庚十七年、明崇禎十三年、清崇德五年、英閉議院、傳議

院擅權、王威日輕、加之細民嘯聚、上下成黨、而民黨

之衆倍于王黨、王大怒之、首閉議院、

壬十九年、明崇禎十五年、清崇德七年、葡再建國、傳葡

及西班牙、獨立為國、英人為協護之、

後光明天皇

甲正保元年、明崇禎十七年、清順治元年、春、明賊李自成陷都城、明主由檢死之、

**傳**、諡愍帝、秋、清主皇太

極、**傳**、諡太宗文皇帝、冬、清遷都于燕、**傳**、稱北京、

蘭人拓澳、**傳**、澳在亞細亞東南洋中、周凡方餘里、

西人嘗一至于此、然土地荒穢、茫無人迹、夜則燐火

閃閃耳、故名火地、不能有所經略、蘭人至、始建埔設

市、故又呼新阿蘭、

戊慶安元年、明永曆二年、清順治五年、法人作亂、**傳**、

以奪政府之權、洗舊染之汙、為名、獨亂平、**傳**、教徒

角爭者三十年、始就招撫、世呼為三十年之役、

已二年、明永曆三年、清順治六年、英人弑其主查爾

斯、**傳**、叛人要王于堂上、環而責之、王抗論良久、有唱

弑者、眾齊聲呼曰、可矣、遂具罪狀、斬之于市、盖王民

二黨、攻擊數年、雷塞斯德之役、王師潰、王奔投蕪軍、

蕪人賣與叛人、叛人幽之五年、而遇弑、



辛卯四年明永曆五年清順治八年西洲千六百五十一年 英人取澳傳蘭人

壅拓益廣英人逐而奪之 英伐蘇傳蘇有謀擁立

王族復王權者英將格朗空討平之

壬辰義應元年明永曆六年清順治九年 蘭取英船傳

英人襲蘭于東布爾峽故蘭亦要擊英將于海中寇

其商船三十兵船十有二

癸巳二年明永曆七年清順治十年西洲千六百五十三年 英格朗空稱國議

總督傳格朗空將竊大柄而議院權猶如故也乃以

兵劫逐議員自稱國議總督 蘭與英平傳蘭與英

相持于海口久矣英將不勒格以生兵來戰蘭將乃

德朗死兵潰蘭人氣索降服乞和

後西天皇

乙未明曆元年明永曆九年清順治十二年 法人西人會

于非耳山傳平也誓法王不求西王位許西王女嫁

法王家

丙申二年明永曆十年清順治十三年西洲千六百五十六年 蘭人取齊狼傳齊

日 本 神 異 卷 二 九 二  
狼周迴千餘里、山川靈秀、印度洋中之大島也、

戊 萬 治 元 年、明永曆十二年、清順治十五年、西洲千六百五十八年、莫取南北

印度、傳莫威益盛、惟海港諸島多為歐人所有、戰鬥不已、互有勝敗、

庚 三 年、明永曆十四年、清順治十七年、西洲千六百六十年、緬人執明主由榔、

明 亾 傳、自愍帝殉社稷、福王由崧、唐王聿鍵、永明王由榔相繼稱明、保正朔于流離之中、至是終亡、

蘭人瑞人噠人會于阿里哈、英人查爾斯第二稱

王、傳格朗它勝外寇、廣土疆、而國人未服、議論如烘

戊戌歲病熱以死、其子嗣職、國人愈不遵命、遂迎查再斯立之、

辛 寬 文 元 年、清順治十八年、西洲千六百六十一年、春、清主福臨殂、傳

謚世祖、章皇帝、清之大典、至主而具、封域之大、卓乎今古、西接回部、北隣俄羅斯、東南二面、以海為界、頒置省府、民治以張、京官則多法于古、內閣學士、政本系焉、六部屬之、而刑部與都察大理、目為三法司、以

詳國是、吏士選擇皆管子吏部、又置宗人府、以管王族考察之制、三載考績、內曰京察、外曰大計、以昭勸懲、曰守曰政曰才曰年是謂之四格、所以勸明也、曰貪曰酷曰罷軟曰不謹曰老曰疾曰浮躁曰才力不及、謂之八法、所以黜幽也、閱吏之法、可謂具矣、刑猶存八議、兵則置八旗、紅白青藍各有正鑲亦得其宜矣、明朱成功入臺灣、傳成功欲復明祚、不克、乃逐蘭人入臺灣、置府、定制、恤窮、慈幼、臺人安之、

靈元天皇

癸卯 寬文三年、清康熙二年、西洲一千六百六十三年、法人作海渠、傳法國

大河二十二、水利足矣、又導地中海、達大西洋、海人

大便之、

乙巳 五年、清康熙四年、西洲一千六百六十五年、英伐蘭、傳太歲、蘭與法和

英人怒、於是遣王第塞斯攻蘭、大敗之、獲艦十九、卒

七千、

丁未 七年、清康熙二年、西洲一千六百六十七年、蘭伐英、傳蘭將泥路伊蘭

留伐英以報乙巳之役也連勝深入礮聲震都城英人懼乞成葡人取諸可羅傳諸可羅之地山多產銀起役開礦葡人之富實基于此

申八年清康熙七年西洲蘭取歪阿那傳歪阿那在

巴西北境屬南亞美利加洲東隅名加夜那法人所闢西隅

名特默拉拉英人所闢蘭所取其中央名蕪利南產

白糖加非貿易頗盛号西府

壬子十二年清康熙十一年西洲法人英人獨人伐蘭

敗績傳蘭聞諸邦來伐先發間使間離之而以精兵

激之于海獲英將天津土

癸延寶元年清康熙十二年西洲波蘭敗土人傳波

蘭在俄之西南屬歐羅巴洲今分割為三而葡稱存于俄南與土隣土人

乃以衆臨之波羅拒戰敗之士兵死者四萬

乙卯三年清康熙十四年西洲俄主加拿烈殂法人

與獨戰傳獨人善戰法將丟烈斯中丸死法乃追擊

獨船在英海者英人不與焉

丙四年清康熙十五年西洲俄伐土、蘭人始制雷

火燬、

巳五年清康熙十六年西洲法人取蘭、

庚八年清康熙十九年西洲俄王亞勒宇斯殂、**傳**第伯

德祿嗣、女兒狡猾、竊圖逐伯德祿、事露、伯德祿避之

于寺、衆人不服、女兒幽之、而迎伯德祿立之、

癸天和三年清康熙二十二年西洲清伐臺灣、取之、**傳**

成功以據臺之明年卒、子經孫克琰嗣立、猶奉明正

朔、至是為清將施琅所滅、匈人侵奧、**傳**匈牙利叛

奧、啟土耳其、侵奧之首府、府人一萬一千、防戰六十

日、府殆不支、乞救于波蘭、波蘭精兵一萬、進敗匈土

三十萬衆、

丑貞亨二年清康熙二十四年西洲英王查爾斯第二

卒、**傳**弟若迷斯第二嗣、其即位也、令曰、政教必率舊

章、宰輔必用舊人、不可有所改、民乃大悅、而事多獨

斷、議員鉗口、於是人或譏之前、王子亞諷爾、莽謀等

欲依譏者以奪位舉兵入寇不克而死

東山天皇

戊元祿元年清康熙二十七年西洲千六百八十八年英人逐其主若迷

斯第二傳王之克亞莽二叛人治其黨虐矣民益懼

焉維廉第三者在蘭寬和善遇入民心遂歸之於是

有以兵迎之者王欲拒之徵兵無復應者乃辨于法

乞法師以歸以謀恢復不克獨人英人蘭人噠人

瑞人會于奧具斯弗克傳法威特熾且虐新教徒故

謀之也

庚三年清康熙二十九年西洲千六百九十年法人敗英傳法軍銳利

戰無不勝選將帥長兵略者尊之故人皆爭雄雄將

林立冠于一時

甲七年清康熙三十三年西洲千六百九十四年波斯復故土傳先是波

斯衰弱為阿富汗所削奪至達馬斯者有志于恢復

漸復故土

丙九年清康熙三十五年西洲千六百九十六年莫伐亞齊傳亞齊一名

蘇門答臘在瓜哇之西屬亞細亞洲一島長約二千餘里

亞齊其西端部名而或蒙之于一島島產五金其利

多矣亦為蘭人所據莫欲伐取之不克 波蘭王瓦

美士卒傳以小抗大國勢漸振而卒國遂分裂

丁丑十年清康熙三十六年西洲千六百九十七年英人西人蘭人法人會

于力斯維傳成也

巳卯十二年清康熙三十八年西洲千六百九十九年瑞人侵波蘭傳俄世

答之殞王女嗣位厭武溺文終流于弱遜位于外戚

加爾祿斯遊羅馬不返加爾祿斯乃即真年方十八

血氣剛銳嗜戰討故侵波蘭

庚辰十三年清康熙三十九年西洲千七百年噠人伐俄 奧始建國

傳 奧地利亞在獨之東境屬歐羅巴洲今存常服屬獨邦至

是創建一國不復稱獨部

巳辛十四年清康熙四十年西洲千七百有一年普人非哩特稱王傳雄

邁有大志屢挫大敵蠶食四隣遂為邦人所推

壬午十五年清康熙四十一年西洲千七百有二年英王維廉第三卒傳

王之始即位與妻共政其卒也以妻之妹為嗣人咲其厚于外家 英人蘭人敗法于非俄 俄與瑞成

傳瑞歸其侵地

癸十六年清康熙四十二年西洲千七百有三年俄遷都于彼得羅堡

傳彼得羅堡枕于波羅的海扼水陸之要俄王相地

遷都國勢於是隆矣 獨人與法人戰

甲寶永元年清康熙四十三年西洲千七百有四年英人與法人戰

于武林法師敗績傳法圖英英故先之也英將馬爾

伯羅大敗法師獲其將大拉慈 英取日巴拉大傳

日權屬西班牙為地中海鎖鑰英於是置礮墩設營

壘人不得覬之

丙三年清康熙四十五年西洲千七百有六年英人敗法于拉迷里斯

傳馬爾伯羅連戰連勝法入大阻

巳六年清康熙四十八年西洲千七百有九年俄敗噠 英人敗法于

窩德那傳此役也法將米拉斯支敗善戰故英人亦

多死焉



中御門天皇

庚寶永七年清康熙四十九年西曆一千七百一十年 舉王查理第六卒

傳無子傳位于女女聰敏逸倫善政治長撫軍威嚴

盜張四隣不敢侵軼俄敗瑞

壬正德二年清康熙五十一年西曆一千七百一十二年 獨與法平

癸三年清康熙五十二年西曆一千七百一十三年 英與法平傳英將馬爾

伯羅壯武善戰與法角爭十有餘年戰則必勝法威

頓挫而王聽讒將殺之伯羅出犇而和議成矣噫

與西平 歐洲諸王議和傳各邦使公使會于裕土

列具

甲四年清康熙五十三年西曆一千七百一十四年 英女王阿安卒

乙五年清康熙五十四年西曆一千七百一十五年 法王路易第十四卒

英人謀逆伏誅傳蘇人作亂謀廢立貴戚應之者多

事覺悉捕下之于獄誅斬無遺

丙享德元年清康熙五十五年西曆一千七百一十六年 英人敗土

戊三年清康熙五十七年西曆一千七百一十八年 波斯伐莫 英人與西

戰傳西人敗走乃戮起衅者與英人和

庚五年清康熙五十九年西洲千七百二十年俄與噶平傳先是噶入

俄圍俄都俄人苦之遂議罷兵蘭人制寒暑鍼

辛六年清康熙六十年西洲千七百廿一年俄王伯德祿稱帝清朱

一貴取臺灣傳臺灣知府王珍稅斂苛虐奸民黃殿

李勇等以一貴姓朱推以為王七日而全臺咸服稱

中興王

全七年清康熙六十一年西洲千七百二十二年清主玄擘殂傳諡聖祖

仁皇帝

癸八年清雍正元年西洲千七百二十三年波斯與俄平傳俄數侵波

斯波抗戰不屈遂和

己十年清雍正三年西洲千七百二十五年俄主伯德祿殂傳主聰明

敏夙有大志以俄之不能操舟微服入蘭學習其

術國勢由是而隆矣其發政也首制舟師莫都城興

貿易開學校以滌陋習為主末世而全盛之形成矣

列福耳多波斯人也賢明有偉略主遣使聘之一見

相許推心輔翼俄邦全盛之功列福之力居其半云

丙十一年清雍正四年西洲西取哥而西加諸島傳

島在地中海海中諸島多歸西轄

丁十二年清雍正五年西洲英王若日爾卒傳王西

巡至過斯那不得病卒

酉十四年清雍正七年西洲英人法人西人會于世

布伊利傳議和也

乙二十年清雍正十三年西洲秋清主胤禎殂傳謚

世宗憲皇帝

日本袖史外編卷之二終